

新北市三芝區三芝國民小學



唐詩手札

【高年級】

圖 / 黃 婷
指導老師 / 李靜宜

____年 ____班 姓名 _____

1. 贈孟浩然

李白

吾愛孟夫子，
風流天下聞。
紅顏棄軒冕，
白首臥松雲。
醉月頻中聖，
迷花不事君。
高山安可仰，
徒此挹清芬。

Vertical dotted lines for writing practice, corresponding to the characters in the poem above.

2. 送友人

李白

青山橫北郭，
白水繞東城。
此地一為別，
孤蓬萬里征。
浮雲遊子意，
落日故人情。
揮手自茲去，
蕭蕭斑馬鳴。

Vertical dotted lines for writing practice, corresponding to the characters in the poem above.

3. 春望

杜甫

國破山河在，
城春草木深。
感時花濺淚，
恨別鳥驚心。
烽火連三月，
家書抵萬金。
白頭搔更短，
渾欲不勝簪。

Vertical dotted lines for writing practice, corresponding to the characters in the poem above.

4. 月夜憶舍弟

杜甫

戍鼓斷人行，
邊秋一雁聲。
露從今夜白，
月是故鄉明。
有弟皆分散，
無家問死生。
寄書長不達，
況乃未休兵。

Vertical dotted lines for writing practice, corresponding to the lines of the poem above.

5. 旅夜書懷

杜
甫

細草微風岸，
危檣獨夜舟。
星垂平野闊，
月湧大江流。
名豈文章著，
官應老病休。
飄飄何所似，
天地一沙鷗。

Vertical dotted lines for writing practice, corresponding to the characters in the poem above.

6. 終南別業

王維

中歲頗好道，
晚家南山陲。
興來每獨往，
勝事空自知。
行到水窮處，
坐看雲起時。
偶然值林叟，
談笑無還期。

.....

.....

.....

.....

.....

.....

.....

7. 過故人莊

孟浩然

故人具雞黍，
邀我至田家。
綠樹村邊合，
青山郭外斜。
開軒面場圃，
把酒話桑麻。
待到重陽日，
還來就菊花。

8. 賦得古原草送別

白居易

離離原上草，
一歲一枯榮。
野火燒不盡，
春風吹又生。
遠芳侵古道，
晴翠接荒城。
又送王孫去，
萋萋滿別情。

Blank space for writing the poem, with vertical dotted lines for guidance.

9.
蟬

李商隱

本以高難飽，
徒勞恨費聲。
五更疏欲斷，
一樹碧無情。
薄宦梗猶泛，
故園蕪已平。
煩君最相警，
我亦舉家清。

.....

.....

.....

.....

.....

.....

.....

.....

10. 留別王維

孟浩然

寂寂竟何待，
朝朝空自歸。
欲尋芳草去，
惜與故人違。
當路誰相假，
知音世所稀。
祇因守寂寞，
還掩故園扉。

.....

.....

.....

.....

.....

.....

.....

.....

11. 望月懷遠

張九齡

海上生明月，
天涯共此時。
情人怨遙夜，
竟夕起相思。
滅燭憐光滿，
披衣覺露滋。
不堪盈手贈，
還寢夢佳期。

Vertical dotted lines for writing practice, corresponding to the characters in the poem above.

12. 杜少府之任蜀州

王勃

城闕輔三秦，
風煙望五津。
與君離別意，
同是宦遊人。
海內存知己，
天涯若比鄰。
無為在歧路，
兒女共沾巾。

13.
月夜

杜
甫

今夜鄜州月，
閨中只獨看。
遙憐小兒女，
未解憶長安。
香霧雲鬟濕，
清輝玉臂寒。
何時倚虛幌，
雙照淚痕乾。

Vertical dotted lines for writing practice, corresponding to the characters in the poem above.

14. 天末懷李白

杜甫

涼風起天末，
君子意如何。
鴻雁幾時到，
江湖秋水多。
文章憎命達，
魑魅喜人過。
應共冤魂語，
投詩贈汨羅。

Vertical dotted lines for writing practice, corresponding to the characters in the poem above.

15. 登岳陽樓

杜甫

昔聞洞庭水，
今上岳陽樓。
吳楚東南坼，
乾坤日夜浮。
親朋無一字，
老病有孤舟。
戎馬關山北，
憑軒涕泗流。

16. 山居秋暝

王維

空山新雨後，
天氣晚來秋。
明月松間照，
清泉石上流。
竹喧歸浣女，
蓮動下漁舟。
隨意春芳歇，
王孫自可留。

Blank space for writing the poem, with vertical dotted lines for guidance.

17. 酬張少府

王維

晚年惟好靜，
萬事不關心。
自顧無長策，
空知返舊林。
松風吹解帶，
山月照彈琴。
君問窮通理，
漁歌入浦深。

Vertical dotted lines for writing practice, corresponding to the characters in the poem above.

18. 與諸子登峴山

孟浩然

人事有代謝，
往來成古今。
江山留勝跡，
我輩復登臨。
水落魚梁淺，
天寒夢澤深。
羊公碑尚在，
讀罷淚沾襟。

Vertical dotted lines for writing practice, corresponding to the characters in the poem above.

19. 歲暮歸南山

孟浩然


北闕休上書，
南山歸敝廬。
不才明主棄，
多病故人疏。
白髮催年老，
青陽逼歲除。
永懷愁不寐，
松月夜窗虛。

20. 新年作


劉長卿

鄉心新歲切，
天畔獨潸然。
老至居人下，
春歸在客先。
嶺猿同旦暮，
江柳共風煙。
已似長沙傅，
從今又幾年？

Vertical dotted lines for writing practice, corresponding to the characters in the poem above.



A large white rectangular area with a black border, containing ten vertical dotted lines for writing. The corners of the white area are decorated with small black squares.



A large white rectangular area with a black border, containing ten vertical dotted lines for writing. The lines are evenly spaced and extend from the top to the bottom of the white area. The corners of the white area are slightly rounded and feature small black square markers.

21. 自河南經亂

白居易

時難年荒世業空
弟兄羈旅各西東
田園寥落干戈後
骨肉流離道路中
弔影分為千里雁
辭根散作九秋蓬
共看明月應垂淚
一夜鄉心五處同

22. 無題

李商隱

昨夜星辰昨夜風
畫樓西畔桂堂東
身無彩鳳雙飛翼
心有靈犀一點通
隔座送鉤春酒暖
分曹射覆蠟燈紅
嗟余聽鼓應官去
走馬蘭臺類轉蓬

Vertical dotted lines for writing practice, corresponding to the characters in the poem above.

23. 夜歸鹿門山歌

孟浩然

山寺鐘鳴晝已昏
漁梁渡頭爭渡喧
人隨沙路向江村
余亦乘舟歸鹿門
鹿門月照開煙樹
忽到龐公棲隱處
巖扉松徑長寂寥
惟有幽人自來去

24. 利洲南渡

溫庭筠

澹然空水對斜暉
曲島蒼茫接翠微
波上馬嘶看棹去
柳邊人歇待船歸
數叢沙草群鷗散
萬頃江田一鷺飛
誰解乘舟尋范蠡
五湖煙水獨忘機

25. 黃鶴樓

崔
顥

昔人已乘黃鶴去
此地空餘黃鶴樓
黃鶴一去不復返
白雲千載空悠悠
晴川歷歷漢陽樹
芳草萋萋鸚鵡洲
日暮鄉關何處是
煙波江上使人愁

.....

.....

.....

.....

.....

.....

.....

.....

26. 西塞山懷古

劉禹錫

王濬樓船下益州
金陵王氣黯然收
千尋鐵鎖沈江底
一片降幡出石頭
人世幾回傷往事
山形依舊枕寒流
從今四海為家日
故壘蕭蕭蘆荻秋

27. 登金陵鳳凰臺

李白

鳳凰臺上鳳凰遊
鳳去臺空江自流
吳宮花草埋幽徑
晉代衣冠成古丘
三山半落青天外
二水中分白鷺洲
總為浮雲能蔽日
長安不見使人愁

28. 晚次鄂州

盧綸

雲開遠見漢陽城
猶是孤帆一日程
估客晝眠知浪靜
舟人夜語覺潮生
三湘愁鬢逢秋色
萬里歸心對月明
舊業已隨征戰盡
更堪江上鼓鼙聲

Vertical dotted lines for writing practice, consisting of ten parallel lines spaced evenly across the page.

29. 獨不見

沈佺期

盧家少婦鬱金香
海燕雙棲玳瑁梁
九月寒砧催木葉
十年征戍憶遼陽
白狼河北音書斷
丹鳳城南秋夜長
誰為含愁獨不見
更教明月照流黃

30. 錦瑟

李商隱

錦瑟無端五十絃
一絃一柱思華年
莊生曉夢迷蝴蝶
望帝春心託杜鵑
滄海月明珠有淚
藍田日暖玉生煙
此情可待成追憶
只是當時已惘然

31. 客 至

杜 甫

舍南舍北皆春水
但見群鷗日日來
花徑不曾緣客掃
蓬門今始為君開
盤飧市遠無兼味
樽酒家貧只舊醅
肯與鄰翁相對飲
隔籬呼取盡餘杯

32. 積雨輞川莊作

王維

積雨空林煙火遲
蒸藜炊黍餉東菑
漠漠水田飛白鷺
陰陰夏木轉黃鸝
山中習靜觀朝槿
松下清齋折露葵
野老與人爭席罷
海鷗何事更相疑

33. 登 高

杜 甫

風急天高猿嘯哀
渚清沙白鳥飛迴
無邊落木蕭蕭下
不盡長江滾滾來
萬里悲秋常作客
百年多病獨登臺
艱難苦恨繁霜鬢
潦倒新停濁酒杯

34. 寄李儋元錫

韋應物

去年花裡逢君別
今日花開又一年
世事茫茫難自料
春愁黯黯獨成眠
身多疾病思田里
邑有流亡愧俸錢
聞道欲來相問訊
西樓望月幾回圓

35. 蜀相

杜甫


丞相祠堂何處尋
錦官城外柏森森
映階碧草自春色
隔葉黃鸝空好音
三顧頻煩天下計
兩朝開濟老臣心
出師未捷身先死
長使英雄淚滿襟

36. 送魏萬之京

李頎

朝聞遊子唱驪歌
昨夜微霜初度河
鴻雁不堪愁裡聽
雲山況是客中過
關城曙色催寒近
御苑砧聲向晚多
莫是長安行樂處
空令歲月易蹉跎

Vertical dotted lines for writing practice, corresponding to the characters in the poem above.



A large white rectangular area with a black border, containing ten vertical dotted lines for writing. The corners of the white area are decorated with small black squares.



發行單位：新北市三芝區三芝國民小學

學校地址：25241新北市三芝區育英街22號

學校電話：(02) 2636-2005總機

出版日期：中華民國100年11月30日